



**Broj predmeta: 05-000386/21**  
Broj akta: 09-1402MN-046/22  
Datum, 8. 12. 2022.. godine  
Mjesto, Brčko

Na osnovu člana 27. Zakona o javnoj upravi Brčko distrikta Bosne i Hercegovine – prečišćeni tekst („Službeni glasnik Brčko distrikta Bosne i Hercegovine“, broj 25/20), a u skladu sa članom 4. Programa o plasiranju novčanih sredstava kroz kreditne linije u cilju razvoja poljoprivrede na području Brčko distrikta BiH, broj: 05-000386/21 broj akta: 01.11-0377MB-017/21 od 23.06.2021. godine i Programa o izmjeni i dopuni Programa o plasiranju novčanih sredstava kroz kreditne linije u cilju razvoja poljoprivrede na području Brčko distrikta BiH, broj: 05-000386/21 broj akta: 01.11-0377MB-043/21 od 24.11.2022. godine šef Odjeljenja za poljoprivredu, šumarstvo i vodoprivredu Vlade Brčko distrikta BiH r a s p i s u j e

## **JAVNI POZIV**

### **za sklapanje ugovora o finansijskim uslugama kreditiranja razvoja poljoprivrede na području Brčko Distrikta BiH**

Pozivaju se sve finansijske institucije (komercijalne banke, mikrokreditna društva ili fondacije) da, ukoliko su zainteresovane da sa Brčko distriktom BiH sklope ugovor o finansijskim uslugama kreditiranja razvoja poljoprivrede na području Brčko Distrikta BiH, podnesu prijavu za sklapanje ugovora Odjeljenju za poljoprivredu, šumarstvo i vodoprivredu Vlade Brčko distrikta BiH.

**I.** Predmet javnog poziva je plasiranje novčanih sredstava u iznosu od **1.954.262,73 KM** putem kreditnih linija u cilju razvoja poljoprivrede na području Brčko distrikta BiH.

**II.** Sa finansijskim institucijama koje ispunе uslove iz javnog poziva Brčko distrikt BiH će zaključiti ugovor o finansijskim uslugama kreditiranja razvoja poljoprivrede na području Brčko distrikta BiH.

**III.** Uz prijavu na javni poziv za sklapanje ugovora potrebno je da finansijska institucija dostavi sljedeće:

- a) dokaz da se protiv nje ne vodi krivični postupak;
- b) dokaz da nije prekršajno kažnjavana, i da nije izrečena zabrana obavljanja djelatnosti u posljednjih 5 (pet) godina;
- c) dokaz da je ispunila sve obaveze u vezi sa plaćanjem doprinosa za socijalno osiguranje (zdravstveno, penzijsko-invalidsko osiguranje i osiguranje od nezaposlenosti) u skladu sa važećim zakonskim odredbama u BiH;
- d) dokaz da je izmirila poreske obaveze u skladu sa važećim zakonskim odredbama u BiH na dan njegovog izdavanja (potvrda nadležne institucije za poreze, osim indirektnih poreza);
- e) izjavu potpisanu od strane ovlaštenog lica, da se protiv nje ne vodi prekršajni postupak pred nadležnim sudom, pokrenut na zahtjev Agencije za bankarstvo Republike Srpske/Federacije BiH;
- f) ovjerenu kopiju izvoda iz sudskog registra sa posljednjim statusnim promjenama;
- g) ovjerenu kopiju Dozvole za rad izdate od strane Agencije za bankarstvo Republike Srpske/Federacije BiH;

- h) ovjerenu kopiju Certifikata o članstvu, izdatog od strane Agencije za osiguranje depozita Bosne i Hercegovine;
- i) izjavu, potpisanu od strane ovlaštenog lica, da ispunjava sljedeće minimalne standarde:
  - 1) za upravljanje kreditnim rizikom,
  - 2) za upravljanje rizikom likvidnosti i
  - 3) za održavanje kapitala;
- j) dokaz da finansijska institucija nije imala negativno mišljenje revizorske kuće koja je vršila eksternu reviziju finansijskog poslovanja za posljednje dvije godine.

Dokumenti od tačke a) do tačke d) moraju biti izdati od nadležnog sudskog ili upravnog organa, originalni ili ovjerena kopija i ne stariji od tri mjeseca od dana objavljivanja Javnog poziva.

**IV.** Pristigle prijave otvara i pregleda Komisija koju je imenovao gradonačelnik Brčko distrikta BiH, koja će utvrditi da li je uz prijavu priložena sva potrebna dokumentacija i da li finansijska institucija ispunjava uslove za sklapanje ugovora.

**V.** Javni poziv ostaje otvoren do plasiranja cjelokupnog iznosa novčanih sredstava odobrenih Programom o plasiranju novčanih sredstava kroz kreditne linije u cilju razvoja poljoprivrede na području Brčko distrikta BiH, a najkasnije do 28.2.2023. godine.

**VI.** Prijave s potrebnom dokumentacijom o ispunjavanju uslova javnog poziva se dostavljaju putem protokola Vlade Brčko distrikta BiH (šalter br. 6 ili br. 7) ili putem pošte na adresu: Vlada Brčko distrikta BiH, Odjeljenje za poljoprivredu, šumarstvo i vodoprivredu Bulevar mira 1, 76 100 Brčko distrikt BiH, u zatvorenoj koverti s naznakom: **„Prijava na javni poziv za sklapanje ugovora o finansijskim uslugama kreditiranja razvoja poljoprivrede na području Brčko Distrikta BiH“ – NE OTVARATI.**

**VII.** Javni poziv će biti objavljen u sredstvima javnog informisanja, na oglasnoj ploči Vlade Brčko distrikta BiH i web stranici Vlade Brčko distrikta BiH [www.bdcentral.net](http://www.bdcentral.net)

Dodatne informacije se mogu dobiti na telefon: 049/320-123, kontakt osoba Mehmed Raščić.

**ŠEF ODJELJENJA**

---

**Milenko Ninković, dipl.oec.**

**DOSTAVITI:**

1. Za oglasnu ploču Vlade Brčko distrikta BiH
2. Sektoru za informisanje
3. Medijskim kućama u Brčko distriktu BiH
4. Evidenciji
5. Arhivi